


狐統

帝王



寶號

王圖



臣顧可學稽首頓首贊曰

聖人繼天

卦統方圓

仰觀俯察

三極無偏

右圖贊臣可學謹按

易繫辭曰古者庖羲氏之王天下也仰則觀象  
於天俯則觀法於地觀鳥獸之文與地之宜於  
是始作八卦以通神明之德以類萬物之情  
五帝紀曰伏羲氏因龍馬負圖出於河之瑞以  
龍紀官故謂龍師而龍名





臣顧可學稽首頓首賢曰

五穀初藝

百草初嘗

長養仁壽

俾熾而昌

右圖賢臣可學謹按

易繫辭曰神農氏作斲木為耜揀木為耒耒耨  
之利以教天下

五帝紀曰神農氏以火德王故曰炎帝以火名  
官又曰始嘗百草始有醫藥





臣顧可學稽首頓首贊曰

玄黃正位

衣裳效之


文明朴野


神化施為

右圖贊臣可學謹按

易繫辭曰黃帝堯舜氏作通其變使民不倦神而化之使民宜之

五帝紀曰帝作冕垂旒充纁為玄衣黃裳以象天地之正色旁觀翬翟草木之華乃染五采為文章以表貴賤又曰鳳凰巢於阿閣麒麟遊於苑囿





臣顧可學稽首頓首賢曰

巍巍惟則

安安放勲

人時敬授

如日如雲

右圖賢臣可學謹按

尚書堯典曰乃命羲和欽若昊天曆象日月星

辰敬授人時





臣顧可學稽首頓首贊曰

任賢敷德

夷夏同風

敬執精一

允執厥中

右圖賢臣可學謹按

尚書舜典曰帝乃誕敷文德舞千羽于兩階

七旬有苗格

論語曰舜有臣五人而天下治





臣 顧可學稽首頓首贊曰

教以播種

民免阻饑

周郊克配

大報農師

右圖贊 臣 可學謹按

詩大雅曰誕后稷之穡有相之道

孟子曰后稷教民稼穡樹藝五穀五穀熟而人

民育





臣顧可學稽首頓首賢曰

玄圭告錫

聲教旁行


八年於外

永賴平成

右圖賢臣可學謹按

尚書禹貢曰禹敷土隨山刊木筭高山大川又  
 曰九州攸同四隩既宅九山刊旅九川滌源九  
 澤既陂四海會同又曰東漸于海西被于流沙  
 朔南暨聲教訖于四海禹錫玄圭昔厥成功





臣 顧可學稽首頓首賢曰

天心與子


夏道欽承

諸侯朝貢

翊我明明

右圖賢臣可學謹按

春秋左氏傳曰夏啓有鈞臺之享





臣顧可學稽首頓首贊曰

制之禮義

彰以寬仁

推恩禽獸

率土稱臣

右圖贊臣可學謹按

殷本紀曰湯出見野張網四面祝曰自天下四方皆入吾網湯曰嘻盡之矣乃去其三面祝曰欲左左欲右右不用命乃入吾網諸侯聞之曰湯德至矣及禽獸





臣顧可學稽首頓首贊曰

帝謂高宗

遜敏于躬

夢賚良弼

四海時風

右圖贊臣可學謹按

尚書說命曰恭默思道夢帝賚予良弼其代予  
 言又曰爰立作相王置諸其左右又曰說四海  
 之內咸仰朕德時乃風





臣顧可學稽首頓首賢曰

舊邦新命


王政何先

咸和固間

女侷顛連


右圖賢臣可學謹按

尚書無逸曰徽柔聽恭懷保小民惠鮮鰥寡自  
朝至于日中昃不遑暇食用咸和萬民









臣顧可學稽首頓首贊曰

憑周與召

相陽協陰

數逾卜兆

本固源深

右圖賢臣可學謹按


尚書洛誥曰予惟乙卯朝至于洛師我卜河朔

黎水我乃卜澗水東澶水西惟洛食我又卜澶

水東亦惟洛食佯來以圖及獻卜

周外紀曰成王定鼎于郊鄜又曰此天下之中

四方入貢道里均也





臣顧可學稽首頓首賢曰

掃除秦楚


紹述陶唐

崇儒闢里

文武永昌

右圖賢臣可學謹按

漢書高祖皇帝紀曰十一月行自淮南還過魯  
以太牢祠孔子





臣顧可學稽首頓首贊曰

三推千畝

先民以勤

海內富庶

陳陳相因

右圖贊臣可學謹按

漢書孝文皇帝紀曰正月丁亥詔曰夫農者天下之本其開籍田朕親率耕以給宗廟粢盛





臣顧可學稽首頓首賢曰

政平訟理 治重循良  
為民崇德 赤仗增光

右圖賢臣可學謹按

漢書光武皇帝紀曰建武元年九月甲申以前

高密令卓茂為太傅

宋朱熹通鑑綱目載其詔曰夫名冠天下者當

受天下重賞今以茂為太傅封褒德侯





臣顧可學稽首頓首贊曰

休徵滋至

鼓舞戎羗

東京令主

謙讓靡遑

右圖贊臣可學謹按

漢書孝明皇帝紀曰十七年春正月甘露降于  
甘陵是歲仍降樹使內附芝草生殿前神雀五  
色翔集京師西南夷諸種前後慕義貢獻西域  
諸國遣子入侍夏五月公卿百官以帝威德懷  
遠祥物顯應乃並集朝堂奉觴上壽





臣顧可學稽首頓首贊曰

經傳至要


用感人心

臨雍聽講

左衽青衿

右圖贊臣可學謹按

宋朱熹通鑑綱目曰上幸國子監觀釋奠命祭  
酒孔穎達講孝經賜諸生帛有差於是四方學  
者雲集京師乃至高麗百濟新羅高昌吐蕃諸  
酋長亦遣子請入國學升講筵者至八千餘人





臣顧可學稽首頓首贊曰

無為守正


洞達易知

帝王之學

莫不由斯

右圖贊臣可學謹按

宋史太祖皇帝紀曰汴京新宮成御正殿坐令  
 洞開諸門謂左右曰此如我心少有邪曲人皆  
 見之





仇英



臣顧可學稽首頓首贊曰

無逸乃逸

洋洋聖謨

屏書左右

惟懷永圖

右圖贊臣可學謹按

宋史仁宗皇帝本紀曰置通英延義二閣寫尚  
書無逸篇于屏



仇英

